

Broj: 101-1-4929 /25Datum: 19.11.2025-god.

Na osnovu člana 64. stav (1) tačka b), člana 70. stavovi (1), (3) i (6) Zakona o javnim nabavkama („Službeni glasnik BiH“, broj 39/14, 59/22 i 50/24), članom 8. stav (2) tačka d) Pravilnika o uspostavljanju i radu Komisije za nabavke („Službeni glasnik BiH“, broj: 103/14 i 49/23), članom 27. stav (2) Pravilnika o javnim nabavkama Univerziteta „Džemal Bijedić“ u Mostaru broj: 101-1-1638/17, a na preporuku Komisije za javnu nabavku broj: 170-4905/25 od 17.11.2025. godine, rektorica Univerziteta „Džemal Bijedić“ u Mostaru donosi

ODLUKU

o izboru najpovoljnijeg ponuđača u postupku javne nabavke „Nabavka računarske opreme“

LOT 4: Nabavka računarske opreme za potrebe realizacije projekta pod nazivom „eNastavnik – AI alati za modernu nastavu“.

I

Prihvata se preporuka Komisije za javnu nabavku u postupku javne nabavke računarske opreme - LOT 4: Nabavka računarske opreme za potrebe realizacije projekta pod nazivom „eNastavnik – AI alati za modernu nastavu“, broj: 170-4905/25 od 17.11.2025. godine i ugovor o nabavci robe u predmetnom postupku se dodjeljuje ponuđaču „ELUR“ d.o.o. Kiseljak, **Žrtava domovinskog rata 2, 71250 Kiseljak**, u skladu s ponudom broj: 183/2025 od 10.11.2025. godine.

II

Ugovor o nabavci robe se dodjeljuje ponuđaču iz tačke I ove Odluke, sa ukupnom cijenom u iznosu od 4.493,00 KM bez PDV-a.

III

Izabrani ponuđač je dužan dostaviti dokaze u svrhu dokazivanja činjenica iz člana 45. Zakona o javnim nabavkama BiH („Službeni glasnik BiH“, broj: 39/14, 59/22 i 50/24), potvrđenih u Izjavi iz Aneksa 3 Tenderske dokumentacije u predmetnom postupku, u skladu sa tačkom 14.4. TD u roku od 5 (pet) dana od dana prijema Odluke o izboru najpovoljnijeg ponuđača.

IV

Ugovorni organ će dostaviti na potpis izabranom ponuđaču prijedlog ugovora, i to nakon isteka roka od 15 dana, računajući od dana prijema odluke o izboru najpovoljnijeg ponuđača.

V

Ova Odluka objavljuje se na web stranici Univerziteta, www.unmo.ba istovremeno sa upućivanjem obavještenja ponuđaču koji je učestvovao u postupku javne nabavke, u skladu sa članom 70. stav 6) Zakona o javnim nabavkama („Službeni glasnik BiH“, broj: 39/14, 59/22 i 50/24).

VI

Obavještenje o dodjeli ugovora i Izvještaj o provedenom postupku objavljuje se u skladu sa članom 74. i 75. Zakona o javnim nabavkama („Službeni glasnik BiH“, broj 39/14, 59/22).

**Obrazloženje**

Odlukom broj: 101-1-4332/25 od 16.10.2025. godine pokrenut je postupak javne nabavke računarske opreme putem otvorenog postupka.

Komisija za provođenje postupka javne nabavke računarske opreme, imenovana je Odlukom broj: 101-1-4333/25 od 16.10.2025. godine

U skladu sa Odlukom o pokretanju javne nabavke ukupna procijenjena vrijednost nabavke bez PDV-a iznosi 30.200,00 KM, a predmetna nabavka je podijeljena na 4 lota.

Procijenjena vrijednost nabavke za LOT 4 iznosi 4.500,00 KM bez PDV-a.

Obavještenje o nabavci broj: 66-1-1-153-3-75/25 objavljeno je na portalu javnih nabavki dana 24.10.2025. godine zajedno sa Tenderskom dokumentacijom broj: 101-1-4400/25.

U skladu sa Tenderskom dokumentacijom i obavještenjem o nabavci dana 14.11.2025. godine sa početkom u 10:00 sati održano je javno otvaranje ponuda. U predviđenom roku za prijem ponuda (14.11.2025. godine do 9:30 sati) zaprimljene su 2 (dvije) ponude kako slijedi:

Rb.	Broj protokola	Naziv/ime ponuđača (šifra)	Datum i sat prijema
1.	180-4758/25	NEUTRINO d.o.o. Tuzla	12.11.2025 u 11:32
2.	180-4769/25	ELUR d.o.o. Kiseljak	13.11.2025 u 9:45

Nakon izvršenog pregleda ponuda, Komisija je konstatovala sljedeće:

Ponuda ponuđača „ELUR” d.o.o. Kiseljak je kompletna i prihvatljiva i u istoj su dostavljeni svi traženi dokazi propisani tenderskom dokumentacijom, na propisan način. Komisija je provjerila popunjeni obrazac za cijenu ponude, te utvrdila da ponuda ponuđača ispunjava sve zahtjeve u pogledu opisa predmeta nabavke i tehničke specifikacije.
Ukupna cijena ponude iznosi 4.493,00 KM bez PDV-a. Ponuđač nije dao popust na cijenu.

Ponuda ponuđača „NEUTRINO” d.o.o. Tuzla je ocijenjena kao nepravilna, jer nije u skladu s tenderskom dokumentacijom.

Uvidom u ponudu ponuđača, ustanovljeno je da ista nije u skladu sa predmetnom tenderskom dokumentacijom, odnosno traženom tehničkom specifikacijom. U obrascu za cijenu ponude – Aneks 2 data je tehnička specifikacija kojom je definisan minimalan kvalitet koji Ugovorni organ zahtijeva, a ponuđena roba ponuđača „NEUTRINO” d.o.o. Tuzla ne ispunjava tražene tehničke karakteristike.

Komisija je ustanovila da ponuđena roba ponuđača ne odgovara zahtijevanoj tehničkoj specifikaciji, iz sljedećeg razloga:

- Ugovorni organ je iz Obrasca za cijenu ponude - LOT 4 (All in One računar) za stavku pod rednim brojem 1, zahtijevao dodatno kompatibilan HDMI na VGA konverter-adaper Typ A – VGA (D-SUB), kojeg ponuđač nije ponudio.

Članom 57. stav 1) Zakona o javnim nabavkama i tačkom 19. Tenderske dokumentacije u postupku, propisano je da se ponuđač pri pripremi ponude mora pridržavati zahtjeva i uslova



iz tenderske dokumentacije. U tenderskoj dokumentaciji je također navedeno da su ponuđači obavezni isporučiti robu u skladu sa tehničkom specifikacijom kako je navedeno u Aneksu 2 - Obrazac za cijenu ponude s tehničkom specifikacijom.

Na osnovu svega naprijed navedenog, u skladu sa članom 2. stav 1) tačka I) alineje 3 Zakona o javnim nabavkama („Službeni glasnik BiH“, broj: 39/14, 59/22 i 50/24), ponuda je ocijenjena kao nepravilna iz naprijed navedenih razloga.

Nije bilo osnova za ispravku računskih grešaka u prihvatljivoj ponudi.

Tačkom 31. Tenderske dokumentacije bilo je predviđeno održavanje e-aukcije, međutim kako je od zaprimljenih ponuda samo jedna prihvatljiva, e-aukcija nije ni zakazana u skladu sa članom 4. stav (2) Pravilnika o uslovima i načinu korištenja e-aukcije („Službeni glasnik BiH“, broj: 80/23).

Komisija za javnu nabavku jednoglasno je dala preporuku rektorici Univerziteta da se donese odluka o izboru najpovoljnijeg ponuđača, te da se ugovor dodijeli **ponuđaču „ELUR“ d.o.o. Kiseljak**, sa ukupnom cijenom ponude u iznosu **od 4.493,00 KM bez PDV-a**.

Komisija je jednoglasno utvrdila da je ponuda prihvatljiva i u skladu s tenderskom dokumentacijom, te je ocijenjena kao najpovoljnija u skladu s postavljenim kriterijem najniža cijena.

U postupku donošenja Odluke posebno su cijenjene činjenice da je Komisija za javne nabavke pravilno i potpuno dala ocjenu prispjelih ponuda kao i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i Tenderskom dokumentacijom.

Na osnovu svega navedenog, odlučeno je kao u dispozitivu ove odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa najkasnije u roku od 10 (deset) dana od dana prijema ove Odluke, u pisanoj formi u tri primjerka.

REKTORICA

prof. dr. Alena Huseinbegović



Dostaviti:

1. Ponuđaču: „NEUTRINO“ d.o.o. Tuzla
2. Ponuđaču: „ELUR“ d.o.o. Kiseljak
3. Voditeljici projekta: doc.dr. Merima Salčin
4. U predmet
5. a/a